

## К ОПУБЛИКОВАНИЮ

### КОМИ РЕСПУБЛИКАЛӦН

### ОЛАНПАС

**«Коми Республика мутасын йӧзӧс уджӧн могмӧдан юкӧнын  
ӧткымын юалӧм йылысь» Коми Республикаса Оланпаслӧн 4 статьяӧ  
вежсьӧмъяс пыртӧм йылысь**

Примитӧма Коми Республикаса

Каналан Сӧветӧн

2020 вося йирым тӧлысь 20 лунӧ

**1 статья.** Пыртны «Коми Республика мутасын йӧзӧс уджӧн могмӧдан юкӧнын ӧткымын юалӧм йылысь» Коми Республикаса Оланпаслӧн 4 статьяӧ (Коми Республикаса канму власьт органьяслӧн индӧд-тшӧктӧмъяс, 2007, 1 №, 4661 ст.; 8 №, 4934 ст.; 2010, 24 №, 567 ст.; 2011, 55 №, 1667 ст.; 2013, 37 №, 696 ст.; 2014, 27 №, 528 ст.; 33 №, 676 ст.; 35 №, 725 ст.; 2015, 11 №, 141 ст.; 142 ст.; 2017, 9 №, 140 ст.; 2018, 14 №, 228 ст.; 19 №, 351 ст.) татшӧм вежсьӧмъяс:

1 юкӧнын:

1) 6 пунктса «б» да «в» пунктувьяс киритны;

2) 15 пунктӧ «Коми Республикаса» кывьяс водзын содтыны «Коми Республикаса Велькӧдлан котырӧн урчитӧм пӧрадокын» кывьяс;

3) комын витӧд абзац гижны тадзи:

«18) урчитны удж сетысьясӧс, кодьясӧс колӧ пыртны уджалан ресурсьяслысь мобильностьсӧ кыпӧдан дӧнму уджтасӧ, бӧрьян пӧрадок да муртӧсьяс да удж сетысьясӧс уджалан ресурсьяслысь мобильностьсӧ кыпӧдан дӧнму уджтасысь киритан пӧрадок;»;

4) комын квайтӧд абзацын «18» лыдпас вежны «18<sup>1</sup>» лыдпасӧн, «пӧрадок.» кыв вежны «пӧрадок;» кывйӧн;

5) 20 пунктӧ «удж сетысьяскӧд» кывьяс бӧрын содтыны «,

кодъяслөн эм коланлун кыскыны уджалан ресурсъяс» кывъяс;

б) 22 пункт гижны таdzi:

«22) урчитны удж сетысьлы, кодi участвуйтö уджалан ресурсъяслысь мобильностьсö кыпöдан дiнму уджтасын, сертификатöн урчитöм съöма отсöг сетан пöрадок;»;

7) содтыны татшöм сюрöса 25<sup>1</sup> – 25<sup>4</sup> пунктъяс:

«25<sup>1</sup>) вынсьöдны отсöг сетан мераяслысь лыддьöг, кутшöмъяс лыдысь йöзöс уджөн могмöдны отсалан юкöнын уджмогъяс збыльмöдысь Коми Республикаса олöмö пöртысь власьт органкöд сöгласуйтöмөн удж сетысь урчитö отсöг сетан мераяс, кутшöмъясöс сетöны уджалысьяслы, кодъясöс уджалан ресурсъяслысь мобильностьсö кыпöдан дiнму уджтас збыльмöдöм серти корöма уджавны Россия Федерацияса мöд субъектысь;

«25<sup>2</sup>) урчитны артмöдчöм кырымалан здуксянь йöзöс уджөн могмöдны отсалан юкöнын уджмогъяс збыльмöдысь Коми Республикаса олöмö пöртысь власьт органö удж сетысьөн страхöвöй взносьяс, кутшöмъясöс мынтöны вотъяс да öктасыяс йылысь Россия Федерацияса оланпастэчас, а сiдзжö уджын неминуचाысь да уджсикас висьöмъяссысь социальнöя быть страхуйтöм йылысь Россия Федерацияса оланпастэчас серти, мынтöм йылысь юөр сетан пöрадок;

25<sup>3</sup>) юöртны Коми Республикаын удж рынокын положение йылысь;

25<sup>4</sup>) котыртны вакансияяс да велöдчан уджалан местаяс серти ярмангаяс;».

**2 статья.** Тайö Оланпасыс вынсялö сiйöс официальной йöзöдöм бöрын дас лун кольöм мысти.

Коми Республикаса Веськöдлан котырлы лöсьöдны ассьяс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2020 вося йирым тӧлысь 26 лун

56-РЗ №